

**«ԹՄ ԱՈՒԴԻՏ»
ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ**

**2025թ. ԴԵԿՏԵՄԲԵՐԻ 31-Ի ԴՐՈՒԹՅԱՄԲ
ԵՎ ԱՅԴ ԱՄՍԱԹՎԻՆ ԱՎԱՐՏՎԱԾ ՏԱՐՎԱ
ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐ**

Բովանդակություն

Ֆինանսական վիճակի մասին հաշվետվություն	3
Ֆինանսական արդյունքի և չբաշխված շահույթի մասին հաշվետվություն	4
Դրամական հոսքերի մասին հաշվետվություն	5
Ֆինանսական հաշվետվությունների կից ծանոթագրություններ	6

‘000 ՀՀ դրամ

	Ծանոթ.	31/12/25	31/12/24
Ակտիվ			
Հիմնական միջոցներ	4	25,650	3,679
Ոչ նյութական ակտիվներ	5	547	278
Հետաձգված հարկային ակտիվներ	16	680	489
Ընդամենը ոչ ընթացիկ ակտիվներ		26,877	4,447
Պաշարներ	6	954	4,268
Կանխավճարներ պաշարների և ծառայությունների համար		118	363
Առևտրական և այլ դեբիտորական պարտքեր	7	11,760	7,430
Դրամական միջոցներ	8	5,123	6,515
Մինչև մարման ժամկետը պահվող ներդրումներ	9	29,000	35,000
Փոխառություններ	10	-	8,000
Այլ ընթացիկ ակտիվներ	11	3,102	1,799
Ընդամենը ընթացիկ ակտիվներ		50,057	63,374
Ընդամենը ակտիվներ		76,934	67,821
Սեփական կապիտալ և պարտավորություններ			
Կանոնադրական կապիտալ	12	11,500	8,550
Զբաղիված շահույթ	12	43,668	39,328
Պահուստային կապիտալ	12	1,282	1,035
Ընդամենը սեփական կապիտալ		56,450	48,914
Ընդամենը ոչ ընթացիկ պարտավորություններ		-	-
Առևտրական և այլ կրեդիտորական պարտքեր	13	640	702
Կանխավճարներ ծառայությունների համար	7	2,340	5,900
Շահութահարկի գծով ընթացիկ հարկային պարտավորություն	14	9,845	9,837
Այլ ընթացիկ հարկային պարտավորություններ		3,793	1,920
Աշխատավարձի և այլ կարճ.հատուց-ի գծով պարտ-թյուններ		3,366	548
Այլ ընթացիկ պարտավորություններ		500	-
Ընդամենը ընթացիկ պարտավորություններ		20,484	18,907
Ընդամենը սեփական կապիտալ և պարտավորություններ		76,934	67,821



Թ.Մովսիսյան
 Գլխավոր տնօրեն

*«ԹՄ Աուդիտ» փակ բաժնետիրական ընկերություն
Ֆինանսական արդյունքի և չբաշխված շահույթի մասին հաշվետվություն
2025թ. դեկտեմբերի 31-ին ավարտված տարվա համար*

<i>Միլիոն ՀՀ դրամ</i>	<i>Ծանոթ.</i>	<i>2025</i>	<i>2024</i>
Հասույթ	15	193,886	179,749
Վաճառքի ինքնարժեք		(104,852)	(108,940)
Համախառն շահույթ		89,034	70,809
Իրացման ծախսեր		-	(708)
Վարչական ծախսեր		(13,726)	(14,323)
Հիմնական միջոցների վաճառքից օգուտ	4	-	975
Այլ եկամուտներ (ծախսեր)		120	1,139
Գործառնական գործունեությունից շահույթ		75,428	57,892
Ֆինանսական եկամուտներ	9	1,357	1,030
Արտարժույթի փոխարժեքային տարբերություններից վնաս		-	(3)
Շահույթը մինչև հարկումը		76,785	58,919
Շահութահարկի գծով ծախս	16	(13,698)	(10,441)
Տարվա շահույթ		63,087	48,478
Չբաշխված շահույթ տարվա սկզբի դրությամբ		39,328	7,274
Շահաբաժին	12	(58,500)	(16,150)
Պահուստային կապիտալ	12	(247)	(274)
Չբաշխված շահույթ տարվա վերջի դրությամբ		43,668	39,328



Թ.Մովսիսյան
Գլխավոր տնօրեն

Օ00 ՀՀ դրամ

	<i>Ծանոթ.</i>	<i>2025</i>	<i>2024</i>
Գործառնական գործունեությունից դրամական հոսքեր			
Տարվա շահույթ		63,087	48,478
<i>Ոչ դրամական եկամտի և ծախսի ճշգրտումներ</i>			
Ֆինանսական եկամուտներ	9	(1,357)	(1,030)
Շահութահարկի գծով ծախս (եկամուտ)	16	(191)	(1,212)
Մաշվածություն, ամորտիզացիա	4,5	2,742	4,343
<i>Փոփոխություններ գործառնական ակտիվներում և պարտավորություններում</i>			
Առևտրական և այլ դեբիտորական պարտքերից	7	(4,330)	3,872
Պաշարներից	6	3,314	(3,085)
Առևտրական և այլ կրեդիտորական պարտքերից	13	(62)	(4,522)
Այլ ընթացիկ ակտիվներից և պարտավորություններից		579	2350
Գործառնական գործունեությունից դրամական զուտ հոսքեր		63,782	49,194
Ներդրումային գործունեությունից դրամական հոսքեր			
Հիմնական միջոցների և ոչ նյութական ակտիվների ձեռք բերումից	4,5	(24,981)	(2,369)
Հիմնական միջոցների վաճառքից	4		975
Ժամկետային ավանդներից	9	(77,000)	(81,700)
Ժամկետային ավանդների մարումից	9	83,000	61,730
Տրված փոխառություններից	10	8,000	(8,000)
Տոկոսային եկամուտներից	9	1,357	1,030
Ներդրումային գործունեությունից դրամական զուտ հոսքեր		(9,624)	(28,334)
Ֆինանսական գործունեությունից դրամական հոսքեր			
Բաժնետոմսերի թողարկումից	12	2,950	850
Շահաբաժնի վճարումից		(58,500)	(16,150)
Ֆինանսական գործունեությունից դրամական զուտ հոսքեր		(55,550)	(15,300)
Դրամական միջոցների զուտ աճ (նվազում)		(1,392)	5,560
Դրամական միջոցներ տարվա սկզբի դրությամբ	8	6,515	955
Դրամական միջոցներ տարվա վերջի դրությամբ	8	5,123	6,515



Թ.Մովսիսյան
 Գլխավոր տնօրեն

1. Ընդհանուր դրույթներ

1.1. Ընկերության նկարագիրը և գործունեությունը

«ԹՄ Աուդիտ» ՓԲԸ-ն (այսուհետ՝ Ընկերություն) աուդիտորական, խորհրդատվական կազմակերպություն է, որը հիմնադրվել է 1997թ.: Նույն տարում ՀՀ ֆինանսների և էկոնոմիկայի նախարարության կողմից սրվել է աուդիտորական գործունեության իրականացման լիցենզիա: 2021թ. հունվարի 1-ից աուդիտորական կազմակերպությունը ձեռք է բերում աուդիտորական ծառայություններ մատուցելու իրավունք այն ամսաթվից, երբ նրա մասին տեղեկությունները գրանցվում են մասնագիտացված կառույցի՝ Հայաստանի աուդիտորների և փորձագետ հաշվապահների պալատի, ռեեստրում: Աուդիտորական կազմակերպությունն աուդիտորական ծառայություններ մատուցելու իրավունքի համար վճարում է հաստատուն անդամավճար՝ տարեկան 250 հազար ՀՀ դրամ, ինչպես նաև փոփոխուն անդամավճար՝ կախված աուդիտորական ծառայությունների մատուցումից ստացած հասույթներից (0.3%) և առևտրային կազմակերպություններում իրականացված պարտադիր աուդիտի քանակից (յուրաքանչյուրը՝ 40 հազար ՀՀ դրամ):

Ընկերությունը ռեեստրում գրանցվել է 24/12/2020թ-ին, ՀԳԳՀ՝ 1200353:

Ընկերությունը չունի դուստր և ասոցիացված կազմակերպություններ:

Ընկերության գործունեության հիմնական տեսակները՝

- աուդիտորական ծառայություն,
- հաշվապահության վարում,
- հաշվապահական և հարկային խորհրդատվություն:

Աշխատակիցների միջին ցուցակային թվաքանակը 2025թ. 11 և 2024թ. 14 անձ է:

Ընկերության հասցեն է՝ ք.Երևան, Պ.Սևակի 8:

1.2. Կորպորատիվ կառուցվածքը

Ընկերության կառավարման բարձրագույն մարմինը Ընկերության բաժնետերերի ընդհանուր ժողովն է, որն ունի Ընկերության կառավարման և գործունեության ցանկացած հարցի վերջնական լուծման իրավունք: Բաժնետերերի ընդհանուր ժողովի կողմից ընտրվել են խորհուրդ և վերստուգիչ: Ընկերության ընթացիկ գործունեության ղեկավարումն իրականացնում է գլխավոր տնօրենը:

2. Պատրաստման հիմունքները

2.1. Համապատասխանությունը ՓՄԿ-ների ՖՀՄՄ-ին

Սույն ֆինանսական հաշվետվությունները պատրաստվել են Հաշվապահական հաշվառման միջազգային ստանդարտների խորհրդի կողմից հրապարակված Փոքր և միջին կազմակերպությունների ֆինանսական հաշվետվությունների միջազգային ստանդարտներին (ՓՄԿ-ների ՖՀՄՄ) համապատասխան:

2.2. Չափման հիմունքները

Ֆինանսական հաշվետվությունները պատրաստվել են սկզբնական արժեքի հիմունքով:

2.3. Ֆունկցիոնալ և ներկայացման արժույթը

Հայաստանի Հանրապետության արժույթը ՀՀ դրամն է, որը Ընկերության ֆունկցիոնալ և ներկայացման արժույթն է: Ֆինանսական տեղեկատվությունը ցույց է տրված հազար ՀՀ դրամներով՝ առանց ստորակետից հետո տասնորդական նիշի:

3. Հաշվապահական հաշվառման քաղաքականության նշանակալի մասերի վերաբերյալ համառոտագիր

3.1 Ֆինանսական հաշվետվությունների կազմը

Ֆինանսական հաշվետվություններում ներառված են՝

- ա) ֆինանսական վիճակի մասին հաշվետվություն՝ հաշվետու ամսաթվի դրությամբ: Ընթացիկ և ոչ ընթացիկ ակտիվներն ու պարտավորությունները ներկայացվում են առանձին դասակարգմամբ.
- բ) համապարփակ ֆինանսական արդյունքների և չբաշխված շահույթների մասին հաշվետվություն՝ հաշվետու ժամանակաշրջանի համար: Տարվա ընթացքում սեփական կապիտալի փոփոխությունները

առաջացել են միայն շահույթից (վնասից) ու շահաբաժինների վճարումից: Ընկերությունը ներկայացնում է շահույթում կամ վնասում ճանաչված ծախսերի բաժանումը (վերլուծումը)՝ օգտագործելով դրանց գործառնության վրա հիմնված դասակարգումը:

զ) դրամական հոսքերի մասին հաշվետվություն՝ հաշվետու ժամանակաշրջանի համար: Գործառնական գործունեությունից առաջացող դրամական հոսքերի մասին տեղեկատվությունը ներկայացվում է՝ օգտագործելով անուղղակի մեթոդը: Վճարված տոկոսները դասակարգվում են որպես ֆինանսավորման, ստացված տոկոսներն ու շահաբաժինները՝ որպես ներդրումային գործունեությունից առաջացող դրամական հոսքեր: Վճարված հարկերը դասակարգվում են որպես գործառնական գործունեությունից առաջացող դրամական հոսքեր:

դ) ծանոթագրություններ, որոնք բաղկացած են հաշվապահական հաշվառման քաղաքականության նշանակալի մասերի վերաբերյալ համառոտագրից և այլ բացատրական տեղեկատվությունից:

Ֆինանսական հաշվետվություններում բացահայտվում է ժամանակաշրջանի (հաշվետու տարվա) ֆինանսական հաշվետվություններում ներկայացված գումարների՝ նախորդ ժամանակաշրջանի (նախորդ տարի) համադրելի տեղեկատվությունը:

3.2 Հիմնական միջոցներ

Հիմնական միջոցի միավորը՝ որպես ակտիվ ճանաչելուց հետո, հաշվառվում է իր սկզբնական արժեքով (ինքնարժեքով)՝ հանած կուտակված մաշվածությունը և արժեզրկումից կուտակված կորուստները: Սկզբնական արժեքի տարրերն են, մասնավորապես՝ գնման գինը, ներկրման տուրքերը, չփոխհատուցվող հարկերը և պարտադիր այլ վճարները, ակտիվը համապատասխան վայր հասցնելու և ղեկավարության նախանշած նպատակներով օգտագործման համար աշխատանքային վիճակի բերելու հետ ուղղակիորեն կապված ցանկացած ծախսում: Գործարկման և նման նախաարտադրական ծախսումները հիմնական միջոցների սկզբնական արժեքում չեն ներառվում: Սկզբնական արժեքը որոշելիս առևտրային զեղչերը և արտոնությունները հանվում են:

Մաշվածությունը հաշվարկվում է ակտիվների սկզբնական արժեքը (ինքնարժեքը)՝ հանած մնացորդային արժեքը, դրանց գնահատված օգտակար ծառայության ընթացքում բաշխելու միջոցով՝ կիրառելով գծային մեթոդը: Օգտակար ծառայության ժամկետներն են. մեքենա-սարքավորումներ՝ 5-8 տարի, տրանսպորտային միջոցներ՝ 10 տարի, համակարգչային տեխնիկա՝ 2-3 տարի, արտադրատնտեսական գույք՝ 3-5 տարի, փոքրարժեք (մինչև 50 հազար ՀՀ դրամ արժողությամբ) հիմնական միջոցներ՝ 1 տարի, այլ հիմնական միջոցներ՝ 5 տարի: Եթե առկա է որևէ հայտանիշ, որ տեղի են ունեցել մաշվածության հաշվարկման դրույքաչափերի, ակտիվի օգտակար ծառայության կամ մնացորդային արժեքի նշանակալի փոփոխություններ, ապա այդ ակտիվի մաշվածությունը վերանայվում է առաջընթաց կերպով՝ նոր ակնկալիքներն արտացոլելու նպատակով:

Հիմնական միջոցնի միավորի հաշվեկշռային արժեքը պետք է ապաճանաչվի, երբ այն օտարվում է, կամ ապագա ոչ մի տնտեսական օգուտ չի ակնկալվում դրա օգտագործումից կամ օտարումից:

3.3 Ոչ նյութական ակտիվներ

Ոչ նյութական ակտիվները ներկայացվում են սկզբնական արժեքով՝ հանած կուտակված ամորտիզացիան և կուտակված արժեզրկումից կորուստները: Դրանք ամորտիզացվում են իրենց գնահատված օգտակար ծառայության ընթացքում՝ կիրառելով գծային մեթոդը: Մնացորդային արժեքը գնահատվել է զրո: Օգտակար ծառայության ժամկետներն են. կայք՝ 3 տարի, համակարգչային ծրագրեր՝ օգտագործման իրավունքի ժամկետը: Եթե առկա է որևէ հայտանիշ, որ տեղի են ունեցել օգտակար ծառայության ժամկետների կամ մնացորդային արժեքի նշանակալի փոփոխություններ, ապա ամորտիզացիան վերանայվում է առաջընթաց կերպով՝ նոր ակնկալիքներն արտացոլելու նպատակով:

3.4 Պաշարներ

Պաշարները չափվում են ինքնարժեքից և վաճառքի գնից՝ հանած համալրման և վաճառքի ծախսումները, նվազագույնով: Ինքնարժեքը հաշվարկվում է՝ կիրառելով «Առաջինը մուտք՝ առաջինը ելք» (ՖԻՖՈ) մեթոդը:

Պաշարների ինքնարժեքը ներառում է ձեռք բերման ծախսումները, արտադրանքի վերամշակման բոլոր ծախսումները և պաշարները ներկա գտնվելու վայր և վիճակի բերելու հետ կապված բոլոր այլ

ծախսումները: Պաշարների ձեռքբերման ծախսումները ներառում են ձեռքբերման գինը, ներկրման տուրքերը և հարկերը (բացառությամբ նրանց, որոնք հարկային մարմինների կողմից ենթակա են Ընկերությանը ետ վերադարձման), ինչպես նաև տրանսպորտային, բեռնման-բեռնաթափման և այլ ծախսումները, որոնք ուղղակիորեն կապված են ապրանքների, նյութերի և ծառայությունների ձեռքբերման հետ: Ձեռքբերման ծախսումները որոշելիս առևտրային զեղչերը, գների իջեցումները և նմանատիպ այլ ճշգրտումները հանվում են: Պաշարների վերամշակման ծախսումները ներառում են արտադրանքի վերամշակման հետ ուղղակիորեն կապված ծախսումները: Այն ներառում է նաև պատրաստի արտադրանքի վրա պարբերաբար բաշխվող հաստատուն և փոփոխուն արտադրական վերադիր ծախսումները, որոնք կատարվում են նյութերը պատրաստի արտադրանք դարձնելու (վերամշակելու) ընթացքում:

3.5 Արժեզրկում

Յուրաքանչյուր հաշվետու ամսաթվի դրությամբ հիմնական միջոցները և ոչ նյութական ակտիվները վերլուծվում են՝ որոշելու համար արդյոք առկա է որևէ հայտանիշ, որ այդ ակտիվներն ունեցել են արժեզրկումից կորուստ: Եթե կա հնարավոր արժեզրկման որևէ հայտանիշ, ապա ցանկացած ազդեցության ենթարկված ակտիվի (կամ համապատասխան ակտիվների խմբի) փոխհատուցվող գումարը գնահատվում է և համեմատվում դրա հաշվեկշռային արժեքի հետ: Եթե ակտիվի գնահատված փոխհատուցվող գումարն ավելի փոքր է, ապա հաշվեկշռային արժեքը նվազեցվում է մինչև դրա գնահատված փոխհատուցվող գումարը և արժեզրկումից կորուստն անմիջապես ճանաչվում է շահույթում կամ վնասում:

Նմանապես, յուրաքանչյուր հաշվետու ամսաթվի դրությամբ գնահատվում է պաշարների արժեզրկված լինելը՝ պաշարի յուրաքանչյուր հոդվածի (կամ համանման հոդվածների խմբի) հաշվեկշռային արժեքը դրա վաճառքի գնի՝ հանած համալրման և վաճառքի ծախսումները, հետ համեմատելու միջոցով: Եթե պաշարի հոդվածը (կամ համանման հոդվածների խումբը) արժեզրկվել է, դրա հաշվեկշռային արժեքը նվազեցվում է մինչև վաճառքի գին՝ հանած համալրման և վաճառքի ծախսումները, իսկ արժեզրկումից կորուստը ճանաչվում է անմիջապես շահույթում կամ վնասում:

Եթե արժեզրկումից կորուստը հետագայում հակադարձվում է, ակտիվի (կամ կապակցված ակտիվների խմբի) հաշվեկշռային արժեքը ավելացվում է մինչև դրա փոխհատուցվող գումարի վերանայված գնահատականը (պաշարների դեպքում, վաճառքի գին՝ հանած համալրման և վաճառքի ծախսումներ), սակայն ոչ ավելի, քան այն գումարը, որը կորոշվեր, եթե նախորդ տարիներին ակտիվի (կապակցված ակտիվների խմբի) գծով ոչ մի արժեզրկումից կորուստ ճանաչված չլիներ: Արժեզրկումից կորուստի հակադարձումը ճանաչվում է անմիջապես շահույթում կամ վնասում:

3.6 Առևտրական և այլ դեբիտորական պարտքեր

Հիմնական վաճառքները կատարվում են վճարման սովորական պայմանների հիմունքով, և դեբիտորական պարտքերը տոկոսակիր չեն: Երբ պարտքը հետաձգվում է վճարման սովորական պայմաններով նախատեսված ժամկետներից, դեբիտորական պարտքերը չափվում են ամորտիզացված արժեքով՝ կիրառելով արդյունավետ տոկոսադրույքի մեթոդը: Յուրաքանչյուր հաշվետու ժամանակաշրջանի վերջի դրությամբ առևտրական և այլ դեբիտորական պարտքերի հաշվեկշռային արժեքները վերլուծվում են՝ որոշելու համար, թե արդյոք առկա է որևէ անկողմնակալ վկայություն, որ գումարները փոխհատուցելի չեն: Եթե գումարները փոխհատուցելի չեն, արժեզրկումից կորուստը ճանաչվում է անմիջապես շահույթում կամ վնասում:

Արտարժույթով արտահայտված առևտրական դեբիտորական պարտքերը վերահաշվարկվում են ՀՀ դրամով՝ կիրառելով հաշվետու ամսաթվի դրությամբ գործող փոխարժեքը: Արտարժույթի փոխարժեքային օգուտները կամ վնասները ներառվում են այլ եկամտում կամ այլ ծախսերում:

3.7 Առևտրական կրեդիտորական պարտքեր

Առևտրական կրեդիտորական պարտքերը վճարման սովորական պայմանների հիմունքով պարտականություններ են և տոկոսակիր չեն:

3.8 Ամորտիզացված արժեքով չափվող ֆինանսական գործիքներ

Ընկերության ամորտիզացված արժեքով չափվող ֆինանսական գործիքները ժամկետային ավանդներն են:

Ամորտիզացված արժեքը չափվում է՝ կիրառելով արդյունավետ տոկոսադրույքի մեթոդը:

Արդյունավետ տոկոսադրույքը այն դրույքն է, որը ֆինանսական գործիքի գործողության ակնկալվող ժամկետի կամ, երբ տեղին է, ավելի կարճ ժամանակաշրջանի համար, գնահատված դրամական միջոցների ապագա վճարումները կամ ստացվելիք գումարները ճշգրտորեն զեղչում է մինչև ֆինանսական ակտիվի կամ ֆինանսական պարտավորության հաշվեկշռային արժեքը: Արդյունավետ տոկոսադրույքը որոշվում է ֆինանսական ակտիվի կամ ֆինանսական պարտավորության սկզբնական ճանաչման պահի դրությամբ հաշվեկշռային արժեքի հիման վրա: Արդյունավետ տոկոսադրույքի մեթոդի համաձայն՝

ա) ֆինանսական ակտիվի (պարտավորության) ամորտիզացված արժեքը ապագա դրամական մուտքերի (վճարումների) ներկա արժեքն է՝ զեղչված արդյունավետ տոկոսադրույքով:

բ) ժամանակաշրջանի տոկոսային ծախսը (եկամուտը) հավասար է ժամանակաշրջանի սկզբի դրությամբ ֆինանսական պարտավորության (ակտիվի) հաշվեկշռային արժեքի և ժամանակաշրջանի արդյունավետ տոկոսադրույքի արտադրյալին:

Արդյունավետ տոկոսադրույքը հաշվարկելիս Ընկերությունը գնահատում է դրամական հոսքերը՝ հաշվի առնելով ֆինանսական գործիքի բոլոր պայմանագրային պայմանները (օրինակ՝ վաղաժամկետ վճարման, գնման կամ համանման օպցիոններ) և այն հայտնի պարտքային կորուստները, որոնք Ընկերությունը կրել է, սակայն այն չպետք է հաշվի առնի դեռևս չկրած ապագա պարտքային հնարավոր կորուստները:

3.9 Հասույթ

Հասույթը չափվում է ստացված կամ ստացվելիք հատուցման իրական արժեքով:

Երբ ծառայությունների մատուցման գործարքի արդյունքը հնարավոր է արժանահավատորեն գնահատել, գործարքից հասույթը ճանաչվում է՝ հաշվետու ժամանակաշրջանի վերջի դրությամբ գործարքի ավարտվածության աստիճանի հիման վրա: Գործարքի արդյունքը կարելի է արժանահավատորեն գնահատել, եթե բավարարվեն հետևյալ բոլոր պայմանները՝

ա) հնարավոր է արժանահավատորեն չափել հասույթի գումարը:

բ) հավանական է, որ գործարքի հետ կապված տնտեսական օգուտները կհոսեն դեպի Ընկերություն:

գ) հնարավոր է արժանահավատորեն չափել հաշվետու ժամանակաշրջանի վերջի դրությամբ գործարքի ավարտվածության աստիճանը:

դ) հնարավոր է արժանահավատորեն չափել գործարքի համար կատարված և գործարքն ավարտելու համար անհրաժեշտ ծախսումները:

Պայմանագրի աշխատանքների ավարտվածության աստիճանը որոշվում է պայմանագրի աշխատանքների ուսումնասիրությամբ:

Երբ պայմանագրի արդյունքը չի կարող արժանահավատորեն գնահատվել, ապա Ընկերությունը ճանաչում է հասույթը միայն պայմանագրի փաստացի կրած այն ծախսումների չափով, որոնք հավանական է, որ կփոխհատուցվեն և ծախսումները որպես ծախս այն ժամանակաշրջանում, որի ընթացքում կատարվել են:

Ապրանքների (արտադրանքի) վաճառքից հասույթը ճանաչվում է, երբ ապրանքները առաքվում են և սեփականության իրավունքը փոխանցվում է:

3.10 Գործառնական վարձակալություն. վարձակալ

Որպես վարձակալ, Ընկերությունը գործառնական վարձակալության գծով վարձավճարները վարձակալության ժամկետի ընթացքում ճանաչում է որպես ծախս կամ ծախսում գծային հիմունքով, եթե մեկ այլ սխտեմատիկ հիմունք ավելի լավ չի ներկայացնում ակտիվի օգտագործումից օգուտների ստացման ժամանակային գրաֆիկը:

3.11 Աշխատակիցների կարճաժամկետ հատուցումներ

Երբ աշխատակիցը հաշվետու ժամանակաշրջանի ընթացքում Ընկերությանը մատուցել է ծառայություն, Ընկերությունը, աշխատակիցների կարճաժամկետ հատուցումների չզեղչված գումարը, որոնք ակնկալվում է վճարել այդ ծառայության դիմաց, ճանաչում է՝

ա) որպես պարտավորություն՝ արդեն վճարված գումարները հանելուց հետո: Եթե արդեն վճարված գումարը գերազանցում է հատուցումների չգեղչված գումարը, Ընկերությունը ճանաչում է այդ տարբերությունը որպես ակտիվ՝ այն չափով, որով կանխավճարը կհանգեցնի, օրինակ, ապագա վճարումների կրճատման կամ դրամական միջոցների վերադարձի, և

բ) որպես ծախս, բացառությամբ այն դեպքերի, երբ ՓՄԿ-ների ՖՀՄՄ-ով պահանջվում կամ թույլատրվում է հատուցումների գումարը ներառել մեկ այլ ակտիվի արժեքի մեջ (օրինակ, պաշարների, հիմնական միջոցների դեպքում):

Ընկերությունը փոխհատուցելի բացակայությունների ձևով աշխատակիցների հատուցումների ակնկալվող ծախսումները ճանաչում է՝

ա) կուտակվող փոխհատուցելի բացակայությունների դեպքում (օրինակ՝ տարեկան արձակուրդը)՝ այն ժամանակ, երբ աշխատակիցները ծառայություն են մատուցում, որն ավելացնում է իրենց իրավունքները ապագա փոխհատուցելի բացակայությունների նկատմամբ, և

բ) չկուտակվող փոխհատուցելի բացակայությունների դեպքում (օրինակ՝ ժամանակավոր անաշխատունակությունը)՝ այն ժամանակ, երբ բացակայությունը տեղի է ունենում:

Ընկերությունը կուտակվող փոխհատուցելի բացակայությունների գծով ակնկալվող ծախսումները չափում է որպես լրացուցիչ գումար, որը Ընկերությունը ակնկալում է վճարել որպես հաշվետու ժամանակաշրջանի վերջի դրությամբ կուտակված չօգտագործված իրավունքների արդյունք:

3.12 Պահուստներ, պայմանական պարտավորություններ և պայմանական ակտիվներ

Պահուստը ճանաչվում է, երբ՝

ա) Ընկերությունն ունի ներկա պարտականություն (իրավական կամ կառուցողական)՝ որպես անցյալ դեպքերի արդյունք.

բ) հավանական է, որ այդ պարտականությունը մարելու համար կպահանջվի տնտեսական օգուտներ մարմնավորող միջոցների արտահոսք. և

գ) պարտականության գումարը հնարավոր է արժանահավատորեն գնահատել:

Պայմանական պարտավորությունը և պայմանական ակտիվը չեն ճանաչվում:

Որպես պահուստ ճանաչված գումարը իրենից ներկայացնում է հաշվետու ժամանակաշրջանի վերջի դրությամբ ներկա պարտականությունը մարելու համար պահանջվող ծախսումների լավագույն գնահատականը: Եթե ժամանակի մեջ ՀՀ դրամի արժեքի ազդեցությունը էական է, ապա պահուստի գումարը իրենից ներկայացնում է այն ծախսումների ներկա արժեքը, որոնք, ըստ ակնկալության, կպահանջվեն այդ պարտականությունը մարելու համար: Ձեռչման դրույքը (կամ դրույքները) պետք է լինի այն դրույքը (կամ դրույքները)՝ առանց հաշվի առնելու հարկման ազդեցությունը, որն արտացոլում է ժամանակի մեջ ՀՀ դրամի արժեքի և այդ պարտավորությանը հատուկ ռիսկերի ընթացիկ շուկայական գնահատումները: Ձեռչման դրույքը չպետք է արտացոլի այն ռիսկերը, որոնց գծով դրամական միջոցների ապագա հոսքերի գնահատումներն արդեն ճշգրտվել են:

Պահուստը պետք է օգտագործվի միայն այն ծախսումների դիմաց, որոնց գծով այդ պահուստը սկզբնապես ճանաչվել էր:

3.14 Ֆունկցիոնալ արժույթ

Ֆունկցիոնալ արժույթը որոշելիս Ընկերությունը հաշվի է առնում ստորև նշված գործոնները՝

ա) արժույթը՝

-որը հիմնականում ազդում է ապրանքների և ծառայությունների վաճառքի գների վրա (հաճախ այն արժույթը, որով իր ապրանքների և ծառայությունների վաճառքի գները սահմանվում և հաշվարկները կատարվում են). և

-այն երկրի արժույթը, որի մրցակցային գործոններն ու կանոններն են հիմնականում որոշում իր ապրանքների և ծառայությունների վաճառքի գները.

բ) արժույթ, որը հիմնականում ազդում է ապրանքների մատակարարման կամ ծառայությունների մատուցման համար անհրաժեշտ աշխատուժի, նյութական և այլ ծախսումների վրա (նշվածը հաճախ այն արժույթն է, որով նման ծախսումները սահմանվում և կատարվում են):

Ընկերության ֆունկցիոնալ արժույթը ՀՀ ՀՀ դրամն է:

3.15 Արտարժույթի փոխանակման փոխարժեքի փոփոխությունների հետևանքներ

Արտարժույթով գործառնությունը սկզբնապես ճանաչման պահին հաշվառվում է ֆունկցիոնալ արժույթով՝ արտարժույթի գումարի նկատմամբ կիրառելով ֆունկցիոնալ արժույթի և արտարժույթի միջև գործառնության ամսաթվի դրությամբ սփոթ փոխանակման փոխարժեքը:

Որպես սփոթ փոխանակման փոխարժեք ընդունվում է արժութային շուկայում ձևավորված արտարժույթների միջին փոխարժեքը:

Յուրաքանչյուր հաշվետու ժամանակաշրջանի վերջին՝

ա) արտարժույթով ՀՀ դրամային հոդվածները վերահաշվարկվում են՝ կիրառելով փակման փոխարժեքը.

բ) սկզբնական արժեքով չափվող արտարժույթով ոչ ՀՀ դրամային հոդվածները վերահաշվարկվում (ներկայացվում) են գործառնության ամսաթվի փոխանակման փոխարժեքով և

գ) իրական արժեքով չափվող արտարժույթով ոչ ՀՀ դրամային հոդվածները վերահաշվարկվում (ներկայացվում) են իրական արժեքի որոշման օրվա փոխանակման փոխարժեքով:

Փոխարժեքային տարբերությունները, որոնք առաջանում են ՀՀ դրամային հոդվածների մարման արդյունքում, կամ երբ ՀՀ դրամային հոդվածները վերահաշվարկվում են մի փոխարժեքով, որը տարբերվում է տվյալ հաշվետու ժամանակաշրջանում դրանց սկզբնապես ճանաչման կամ նախորդ ֆինանսական հաշվետվություններում վերահաշվարկման փոխարժեքից, ճանաչվում են շահույթում կամ վնասում այն ժամանակաշրջանում, որում դրանք առաջացել են:

3.16 Շահութահարկ

Շահութահարկի գծով ծախսը ներկայացնում է վճարման ենթակա ընթացիկ հարկի և հետաձգված հարկի հանրագումարը:

Վճարման ենթակա ընթացիկ հարկը հիմնված է տարվա հարկվող շահույթի վրա:

Հետաձգված հարկը ճանաչվում է ակտիվների և պարտավորությունների ֆինանսական հաշվետվություններում ճանաչված հաշվեկշռային արժեքների և դրանց համապատասխան հարկային բազաների միջև տարբերությունների գծով (ժամանակավոր տարբերություններ): Հետաձգված հարկային պարտավորությունները ճանաչվում են բոլոր ժամանակավոր տարբերությունների գծով, որոնք ակնկալվում է, որ ապագայում կավելացնեն հարկվող շահույթը: Հետաձգված հարկային ակտիվները ճանաչվում են բոլոր ժամանակավոր տարբերությունների գծով, որոնք ակնկալվում է, որ ապագայում կնվազեցնեն հարկվող շահույթը, ինչպես նաև՝ ցանկացած չօգտագործված հարկային կորուստների կամ չօգտագործած հարկային զեղչերի գծով: Հետաձգված հարկային ակտիվները չափվում են ամենաբարձր գումարով, որը, ընթացիկ կամ գնահատված ապագա հարկվող շահույթի հիման վրա, ավելի շատ հավանական է, քան՝ ոչ, որ կփոխհատուցվի:

Հետաձգված հարկային ակտիվների գուտ հաշվեկշռային արժեքը վերանայվում է յուրաքանչյուր հաշվետու ամսաթվի դրությամբ և ճշգրտվում է ապագա հարկվող շահույթների ընթացիկ գնահատականն արտացոլելու նպատակով: Ցանկացած ճշգրտում ճանաչվում է շահույթում կամ վնասում:

Հետաձգված հարկը հաշվարկվում է հարկերի այն դրույքների օգտագործմամբ, որոնք ակնկալվում են, որ կկիրառվեն այն ժամանակաշրջանների հարկվող շահույթի (հարկային վնասի) նկատմամբ, որոնց ընթացքում ակնկալվում է, որ հետաձգված հարկային ակտիվը կիրացվի կամ հետաձգված հարկային պարտավորությունը կմարվի կիրառելով այն հարկային դրույքները, որոնք ուժի մեջ են եղել կամ ըստ էության ուժի մեջ են եղել հաշվետու ժամանակաշրջանի վերջին:

3.17 Մխալներ

Ընկերությունը ուղղում է նախորդող ժամանակաշրջանի էական սխալները հետընթաց, բացառությամբ երբ անիրագործելի է կոնկրետ ժամանակաշրջանի վրա սխալի հետևանքների կամ դրա կուտակային հետևանքների որոշումը՝ դրանց հայտնաբերումից հետո հրապարակման համար հաստատված առաջին ֆինանսական հաշվետվությունների փաթեթում՝

ա) վերահաշվարկելով ներկայացված այն նախորդող ժամանակաշրջանի (ժամանակաշրջանների) համեմատելի գումարները, որոնցում տեղի է ունեցել սխալը, կամ

բ) եթե սխալը տեղի է ունեցել նախքան մինչև ներկայացված ամենավաղ ժամանակաշրջանը, ապա ակտիվների, պարտավորությունների և սեփական կապիտալի սկզբնական մնացորդները վերահաշվարկելով ներկայացված նախորդող ամենավաղ ժամանակաշրջանի համար:

3.18 Հաշվապահական հաշվառման գնահատումներում փոփոխություններ

Հաշվապահական հաշվառման գնահատումներում փոփոխության հետևանքը, բացառությամբ ստորև շարադրվածի, ճանաչվում է առաջընթաց՝ արտացոլվելով շահույթի կամ վնասի մեջ՝

ա) փոփոխման ժամանակաշրջանում, եթե փոփոխությունն ազդում է միայն տվյալ ժամանակաշրջանի վրա, կամ

բ) փոփոխման ժամանակաշրջանում և հետագա ժամանակաշրջաններում, եթե փոփոխությունը երկուսի վրա էլ ազդում է:

Այնքանով, որքանով հաշվապահական հաշվառման գնահատման փոփոխությունն առաջացնում է ակտիվների և պարտավորությունների փոփոխություն կամ առնչվում է սեփական կապիտալի որևէ հոդվածի հետ, այն ճանաչվում է համապատասխան ակտիվի, պարտավորության կամ սեփական կապիտալի հոդվածի հաշվեկշռային արժեքի ճշգրտման միջոցով՝ փոփոխության ժամանակաշրջանում:

Այն դեպքերում, երբ դժվար է տարբերակել հաշվապահական հաշվառման քաղաքականության փոփոխությունը հաշվապահական հաշվառման գնահատման փոփոխությունից, այն դիտվում է որպես հաշվառման գնահատման փոփոխություն՝ համապատասխան բացահայտմամբ:

3.19 Հաշվապահական հաշվառման քաղաքականությունում փոփոխություններ

Ընկերությունը պետք է փոփոխի հաշվապահական հաշվառման քաղաքականությունը միայն այն դեպքում, եթե այդ փոփոխությունը պահանջվում է որևէ ՓՄԿ-ների ՖՀՄՍ-ով, կամ հանգեցնում է ֆինանսական հաշվետվություններում կազմակերպության ֆինանսական վիճակի, ֆինանսական արդյունքների և դրամական հոսքերի վրա գործառնությունների, այլ դեպքերի և իրադարձությունների ազդեցության վերաբերյալ առավել արժանահավատ և տեղին տեղեկատվության ներկայացմանը:

Եթե Ընկերությունը հաշվապահական հաշվառման նոր քաղաքականությունը կիրառում է հետընթաց, ապա հաշվապահական հաշվառման նոր քաղաքականությունը կիրառում է նախորդող ժամանակաշրջանների համադրելի տեղեկատվության նկատմամբ՝ հետ գնալով այնքան ժամանակաշրջան, որքան քաղաքականության հետընթաց կիրառումը իրագործելի է: Հետընթաց կիրառությունը նախորդող ժամանակաշրջանի նկատմամբ իրագործելի չէ, քանի դեռ հնարավոր չէ որոշել այդ ժամանակաշրջանի ֆինանսական վիճակի մասին հաշվետվության սկզբնական և վերջնական մնացորդների կուտակային հետևանքը: Ճշգրտման հանրագումարը, որը վերաբերում է ֆինանսական հաշվետվություններում ներկայացված ժամանակաշրջաններին նախորդող ժամանակաշրջաններին, վերագրվում է ամենավաղ ժամանակաշրջանում ներկայացված սեփական կապիտալի յուրաքանչյուր ազդեցություն կրած բաղադրիչի սկզբնական մնացորդին: Սովորաբար, ճշգրտումը վերագրվում է չբաշխված շահույթին:

Երբ Ընկերության համար անիրագործելի է հաշվապահական հաշվառման նոր քաղաքականությունը կիրառել հետընթաց՝ բոլոր նախորդող ժամանակաշրջանների նկատմամբ նոր քաղաքականության կիրառման կուտակային հետևանքը որոշելու անկարողության պատճառով, ապա Ընկերությունը նոր քաղաքականությունը կիրառում է առաջընթաց՝ հնարավոր ամենավաղ ժամանակաշրջանից սկսած: Այդ դեպքում Ընկերությունը հաշվի չի առնում ակտիվների, պարտավորությունների և սեփական կապիտալի՝ մինչ այդ ամսաթիվն առաջացող կուտակային ճշգրտման բաժինը: Հաշվապահական հաշվառման քաղաքականության փոփոխություն թույլատրվում է, եթե նույնիսկ հնարավոր չէ այդ քաղաքականությունը առաջընթաց կիրառել ցանկացած նախորդող ժամանակաշրջանի համար:

3.20 Հաշվետու ժամանակաշրջանից հետո տեղի ունեցող դեպքեր

Ընկերությունը ճշգրտում է իր ֆինանսական հաշվետվություններում ճանաչված գումարները՝ հաշվետու ժամանակաշրջանից հետո տեղի ունեցած ճշգրտող դեպքերն արտացոլելու նպատակով:

Ընկերությունը չի ճշգրտում իր ֆինանսական հաշվետվություններում ճանաչված գումարները՝ հաշվետու ժամանակաշրջանից հետո տեղի ունեցած չճշգրտող դեպքերն արտացոլելու նպատակով:

**«ԹՄ Աուդիտ» փակ բաժնետիրական ընկերություն
Ճինանսական հաշվետվություններին կից ծանոթագրություններ**

Եթե շահաբաժինները առաջադրվում կամ հայտարարվում են հաշվետու ժամանակաշրջանից հետո, Ընկերությունը չի ճանաչում այդ շահաբաժինները որպես պարտավորություն՝ հաշվետու ժամանակաշրջանի վերջի դրությամբ:

4. Հիմնական միջոցներ

<i>Օ00 ՀՀ դրամ</i>	Մեքենաներ և սարքավորումներ	Տրանսպորտային միջոցներ	Արտադրատնտեսական գույք	Ընդամենը
Սկզբնական արժեք (ինքնարժեք)				
31 դեկտեմբերի 2023թ.	5,612	55,553	10,169	71,334
Ձեռք բերում	1,110		705	1,815
Դուրս գրում	(1,046)	(15,779)	(1,297)	(18,122)
31 դեկտեմբերի 2024թ.	5,676	39,774	9,577	55,027
Ձեռք բերում	1,737	21,847	679	24,264
Դուրս գրում	(290)		(2,345)	(2,635)
31 դեկտեմբերի 2025թ.	7,123	61,621	7,911	76,655
Կուտակված մաշվածություն				
31 դեկտեմբերի 2023թ.	4,046	53,831	7,555	65,432
Տարեկան մաշվածություն	944	1722	1372	4,038
Դուրս գրում	(1046)	(15,779)	(1,297)	(18,122)
31 դեկտեմբերի 2024թ.	3,944	39,774	7,630	51,348
Տարեկան մաշվածություն	1,031	417	845	2,293
Դուրս գրում	(290)		(2,345)	(2,635)
31 դեկտեմբերի 2025թ.	4,684	40,191	6,130	51,005
Հաշվեկշռային արժեք				
31 դեկտեմբերի 2023թ.	1,566	1,722	2,614	5,902
31 դեկտեմբերի 2024թ.	1,732	-	1,947	3,679
31 դեկտեմբերի 2025թ.	2,439	21,430	1,781	25,650

Մաշվածություն

Օ00 ՀՀ դրամ

Ընդամենը, այդ թվում՝

	2025	2024
Ընդամենը, այդ թվում՝	2,293	4,038
• արտադրական նշանակության (վաճառքի ինքնարժեք)	2,063	3,634
• վարչական նշանակության (վարչական ծախսեր)	230	404

2025թ.-ին ձեռք է բերվել մեկ տրանսպորտային միջոց (մարդատար ավտոմեքենա):

Հիմնական միջոցների սեփականության իրավունքի սահմանափակումներ և ձեռք բերման պայմանագրային պարտավորություններ չկան: Ժամանակավոր պարապուրդի մեջ գտնվող հիմնական միջոցներ չկան:

Հաշվապահական հաշվառման գնահատումներում փոփոխություններ չեն եղել:

5. Ոչ նյութական ակտիվներ

<i>ՕՕՕ ՀՀ դրամ</i>	Համակարգչային ծրագիր	Կայք	Ընդամենը
Սկզբնական արժեք (ինքնարժեք)			
31 դեկտեմբերի 2023թ.	118	300	418
Ավելացում	554	-	554
Դուրս գրում	-	-	-
31 դեկտեմբերի 2024թ.	672	300	972
Ավելացում	717	-	717
Դուրս գրում	(554)	-	(554)
31 դեկտեմբերի 2025թ.	835	300	1,135
Կուտակված ամորտիզացիա			
31 դեկտեմբերի 2023թ.	118	271	389
Տարեկան ամորտիզացիա	276	29	305
Դուրս գրում	-	-	-
31 դեկտեմբերի 2024թ.	394	300	694
Տարեկան ամորտիզացիա	449	-	449
Դուրս գրում	(554)	-	(554)
31 դեկտեմբերի 2025թ.	289	300	589
Հաշվեկշռային արժեք			
31 դեկտեմբերի 2023թ.	-	29	29
31 դեկտեմբերի 2024թ.	278	-	278
31 դեկտեմբերի 2025թ.	547	-	547

Աուդիտորական կազմակերպությունն աուդիտորական ծառայություններ մատուցելու իրավունքի համար Հայաստանի աուդիտորների և փորձագետ հաշվապահների պալատին վճարում է հաստատուն անդամավճար՝ տարեկան 250 հազար ՀՀ դրամ, ինչպես նաև փոփոխուն անդամավճար՝ աուդիտորական ծառայությունների մատուցումից ստացած հասույթներից (0.3%) և առևտրային կազմակերպություններում իրականացված պարտադիր աուդիտի քանակից (յուրաքանչյուրը՝ 40 հազար ՀՀ դրամ) (ծանոթ. 1.1):

Ընկերությունն աուդիտորական ծառայություններ մատուցելիս օգտագործում է «Case Ware» աուդիտի իրականացման ծրագրակազմը, որի օգտագործման իրավունքը ձեռք է բերում տարեկան վճարով:

Ոչ նյութական ակտիվների սեփականության իրավունքի սահմանափակումներ և ձեռք բերման պայմանագրային պարտավորություններ չկան: Հաշվապահական հաշվառման գնահատումներում փոփոխություններ չեն եղել:

6. Պաշարներ

ՕՕՕ ՀՀ դրամ

Ընդամենը, այդ թվում՝	<i>Մնացորդ</i>	<i>Մնացորդ</i>
	31.12.2025թ	31.12.2024թ
Ընդամենը, այդ թվում՝	954	4,268
• անավարտ ծառայություն	-	2,785
• մասնագիտական գիրք	746	1,260

Որպես ծախս ճանաչված պաշարների գումարը 2025թ.-ին կազմում է 4,311 հազար ՀՀ դրամ (2024թ.-ին՝ 4,338 հազար ՀՀ դրամ): Որպես պարտավորությունների երաշխիք գրավադրված պաշարներ չկան:

7. Առևտրական և այլ դեբիտորական պարտքեր

ՕՍՀՄ ՀՀ դրամ

	<i>Մնացորդ 31.12.2025թ.</i>	<i>Մնացորդ 31.12.2024թ.</i>
Ընդամենը, այդ թվում՝	11,760	7,430
• առևտրական դեբիտորական պարտքեր	11,760	7,430

Առ 31.12.2025թ.-ին աուդիտորական և խորհրդատվական ծառայությունների համար ստացված կանխավճարները կազմել են 2,340 հազար ՀՀ դրամ (առ 31.12.2024թ.-ին՝ 5,900 հազար ՀՀ դրամ):

8. Դրամական միջոցներ

ՕՍՀՄ ՀՀ դրամ

	<i>Մնացորդ 31.12.2025թ.</i>	<i>Մնացորդ 31.12.2024թ.</i>
Ընդամենը, այդ թվում՝	5,123	6,515
• անկանխիկ՝ արժույթով	5,123	6,515

9. Մինչև մարման ժամկետը պահվող ներդրումներ

ՕՍՀՄ ՀՀ դրամ

	Տարեկան տոկոսա- դրույք	Մարման ժամկետ	<i>Մնացորդ 31.12.2025թ.</i>	<i>Մնացորդ 31.12.2024թ.</i>
Ընդամենը, այդ թվում՝			29,000	35,000
• կարճաժամկետ ավանդներ	5.75-8.00%	I-IV, 2026թ.	29,000	35,000

10. Փոխառություններ

Կապակցված կողմերին 2024 թ.-ին տրվել էր անտոկոս, կարճաժամկետ փոխառություններ՝ ընդամենը 8,000 հազար ՀՀ դրամ, որոնք մարվել են 2025թ. փետրվարին:

11. Այլ ընթացիկ ակտիվներ

ՕՍՀՄ ՀՀ դրամ

	<i>Մնացորդ 31.12.2025թ.</i>	<i>Մնացորդ 31.12.2024թ.</i>
Ընդամենը, այդ թվում՝	3,102	1,799
• առհաշիվ տրված գումարներ	1,834	1,280

12. Մեփական կապիտալ

Մեփական կապիտալը (զուտ ակտիվները) ձևավորվել է կանոնադրական կապիտալից (թողարկված և տեղաբաշխված (վճարված) կապիտալ), չբաշխված շահույթից (վնասից)՝ ներառյալ հաշվետու տարվա ֆինանսական արդյունքը և շահաբաժնի կանխավճարը, պահուստային կապիտալից:

Կանոնադրական կապիտալ. Կանոնադրական կապիտալը կազմվել է բաժնետերերի ձեռք բերած հասարակ (սովորական) բաժնետոմսերի անվանական արժեքից: Յուրաքանչյուր հասարակ (սովորական) բաժնետոմս տալիս է իր սեփականատեր հանդիսացող բաժնետիրոջը միևնույն իրավունքներ: Ընկերության կանոնադրական կապիտալը առ 31.12.2024թ.-ին կազմել է 8,550 հազար ՀՀ դրամ: Լրացուցիչ բաժնետոմսերի թողարկման և տեղաբաշխման արդյունքում 2025թ.-ին կանոնադրական կապիտալը ավելացել է 2,950 հազար ՀՀ դրամով և 31.12.2025թ.-ին կազմել է 11,500

**«ԹՄ Աուդիտ» փակ բաժնետիրական ընկերություն
Ֆինանսական հաշվետվություններին կից ծանոթագրություններ**

հազար ՀՀ դրամ: Ընկերության կանոնադրական կապիտալի բոլոր բաժնեմասերը տեղաբաշխված են և վճարված:

Զբաղիված շահույթ. Ընկերությունն իրավունք ունի, ընդհանուր ժողովի որոշմամբ, իրականացնել իր շահույթի բաշխում բաժնետերերի միջև: Բաշխման ենթակա շահույթը բաշխվում է ընկերության բաժնետերերի միջև՝ ըստ ընկերության կանոնադրական կապիտալում նրանց բաժնեմասերի չափերի: 2025թ-ին հայտարարված և բաշխված շահաբաժինը կազմել է 58,500 հազար ՀՀ դրամ (2024թ-ին՝ 16,150 հազար ՀՀ դրամ):

Պահուստային կապիտալ. Ընկերությունում ստեղծվում է պահուստային կապիտալ (հիմնադրամ)՝ ոչ պակաս կանոնադրական կապիտալի 15 տոկոսից: Եթե պահուստային կապիտալը կազմում է կանոնադրությամբ սահմանված չափից ավելի փոքր մեծություն, ապա հատկացումներն այդ կապիտալին կատարվում են շահույթից՝ առնվազն 5 տոկոսի չափով: Պահուստային կապիտալն օգտագործվում է Ընկերության կորուստները ծածկելու, ինչպես նաև Ընկերության պարտատոմսերը մարելու և բաժնետոմսերը հետ գնելու համար, եթե Ընկերության շահույթը և այլ միջոցները դրա համար չեն բավարարում: Պահուստային կապիտալը չի կարող օգտագործվել այլ նպատակների համար:

Ընկերությունը, կանոնադրությամբ սահմանված կարգով, ստեղծել է պահուստային կապիտալ, որը առ 31.12.2025թ. կազմում է 1,282 հազար ՀՀ դրամ (31.12.2024թ.՝ 1,035 հազար ՀՀ դրամ):

13. Առևտրական և այլ կրեդիտորական պարտքեր

՝000 ՀՀ դրամ

	Մնացորդ 31.12.2025թ	Մնացորդ 31.12.2024թ
Ընդամենը, այդ թվում՝	640	702
• գործառնական վարձակալության գծով	500	635

Ընկերությունը գործառնական վարձակալությամբ վարձում է գրասենյակային տարածք և մարդատար ավտոմեքենաներ: Վարձակալության միջին ժամկետը երեք տարի է՝ յուրաքանչյուր տարում հաստատուն վարձավճարով: 2025թ. որպես ծախս է ճանաչվել 19,680 հազար (2024թ.՝ 18,520 հազար) ՀՀ դրամ վարձավճար:

14. Շահութահարկի գծով ընթացիկ պարտավորություն

՝000 ՀՀ դրամ

<i>Մնացորդ</i>			<i>Մնացորդ</i>			<i>Մնացորդ</i>
<i>01.01.2023թ.</i>	<i>Հաշվեգրում</i>	<i>Վճարում</i>	<i>31.12.2024թ.</i>	<i>Հաշվեգրում</i>	<i>Վճարում</i>	<i>31.12.2025թ.</i>
3,400	11,653	(5,216)	9,837	13,888	13,880	9,845

15. Հասույթ

՝000 ՀՀ դրամ

	2025	2024
Ընդամենը, այդ թվում՝	193,886	179,749
• աուդիտորական գործունեությունից	100,218	81,455
• հաշվապահական և հարկային խորհրդատվությունից	93,133	97,476

16. Շահութահարկի գծով ծախս

Շահութահարկի դրույքաչափը 2025թ. 18% է (2024թ.-ին՝ 18%):

՝000 ՀՀ դրամ

	2025	2024
Ընդամենը, այդ թվում՝	13,698	10,441

**«ԹՄ Աուդիտ» փակ բաժնետիրական ընկերություն
Ճինանսական հաշվետվություններին կից ծանոթագրություններ**

• ընթացիկ հարկի գծով ծախս	13,888	11,653
• հետաձգված հարկի գծով ծախս (եկամուտ)	(190)	(1,212)

Ընթացիկ հարկի գծով սեփական կապիտալին դեբետագրված կամ կրեդիտագրված հոդվածներ չկան: Չկան հարկի գծով ծախս (փոխհատուցում), որը վերաբերում է հաշվետու տարում ճանաչված արտասովոր հոդվածներին:

Հարկի գործող միջին դրույքի և հարկի կիրառվող դրույքի թվային համադրում

‘000 ՀՀ դրամ

	2025	2024
Հարկի կիրառվող դրույք	18.0%	18.0%
Շահույթը մինչև հարկումը	76,785	58,919
Չնվազեցվող ծախսեր/չհարկվող եկամուտներ/այլ	370	5,819
Հարկվող շահույթը	77,155	64,738
Ընթացիկ հարկ	13,888	11,653
Հարկի գործող միջին դրույքը	18.1%	19.8%

Ճանաչված հետաձգված հարկային ակտիվներ (պարտավորություններ)

‘000 ՀՀ դրամ

	Ծանոթ.	Նվազեցվող (հարկվող) ժամանակավոր տարբերություններ	
		2025	2024
Հիմնական միջոցներ	4	(655)	(1,232)
Առևտրական դեբիտորական պարտքեր	7	(925)	(1,480)
Աշխատավարձի և այլ կարճ. հատուցումների գծով պարտավորություններ		5,361	5,430
Ընդամենը		3,781	2,718
Հարկի դրույքը		18%	18%
Հետաձգված հարկային ակտիվներ (պարտավորություններ)		680	489

«Հիմնական միջոցներ» հոդվածում հարկվող ժամանակավոր տարբերությունը առաջացել է հիմնական միջոցի միավորի՝ տարբեր օգտակար ծառայության ժամկետների կիրառումից: «Առևտրական դեբիտորական պարտքեր» հոդվածում հարկվող ժամանակավոր տարբերությունը առաջացել է դեբիտորական պարտքերի հնարավոր կորուստների պահուստի (անհավաքագրելիություն) տարբեր գնահատումներից (կարգավորումներից): «Աշխատավարձի և այլ կարճաժամկետ հատուցումների գծով պարտավորություններ» հոդվածում նվազեցվող ժամանակավոր տարբերությունը առաջացել է կարճաժամկետ փոխհատուցելի բացակայություններից:

Չկան որևէ նվազեցվող (հանվող) ժամանակավոր տարբերություններ, չօգտագործված հարկային վնասներ և չօգտագործված հարկային զեղչեր, որոնց համար ֆինանսական վիճակի մասին հաշվետվությունում չի ճանաչվել որևէ հետաձգված հարկային ակտիվ:

17. Կապակցված կողմերի բացահայտում

Կապակցված կողմերի փոխհարաբերությունների բնույթը

-Թաթուլ Մովսիսյան՝ Ընկերության բաժնետեր (80 տոկոս) և գլխավոր տնօրեն,

**«ԹՄ Աուդիտ» փակ բաժնետիրական ընկերություն
Ֆինանսական հաշվետվություններին կից ծանոթագրություններ**

-Սոֆյա Գրիգորյան՝ Ընկերության բաժնետեր (20 տոկոս) և ավագ խորհրդատու:

Կապակցված կողմերին 2024 թ. -ին տրվել էր անտոկոս, կարճաժամկետ փոխառություններ՝ ընդամենը 8,000 հազար ՀՀ դրամ, որոնք մարվել են 2025թ. փետրվարին (ծանոթ. 10):

Հանգուցային կառավարչական անձնակազմին (2 անձ) հաշվարկված աշխատավարձը 2025թ. կազմել է 41,993 հազար ՀՀ դրամ (2024թ.՝ 47,904 հազար ՀՀ դրամ): Այլ հատուցումներ չեն եղել:

18. Հաշվետու տարվանից հետո տեղի ունեցող դեպքեր

Ճշգրտող դեպքեր կամ էական չճշգրտող դեպքեր տեղի չեն ունեցել հաշվետու տարվանից (31.12.2025թ) հետո մինչև վավերացման ամսաթիվը (03.02.2026թ.) ընկած ժամանակահատվածում:

19. Ֆինանսական հաշվետվությունների հաստատում

Ֆինանսական հաշվետվությունները հաստատվել են հրապարակման համար 2026թ. փետրվարի 3-ին՝ գլխավոր տնօրեն Թաթուլ Մովսիսյանի կողմից:



Թ.Մովսիսյան
Գլխավոր տնօրեն